

魚臺縣續志序

邑之有志與志之當修前志已詳言之不必復贅也或疑余到魚久而修志遲遲而仍有所未備容不免於玩愒歎余何敢哉余以光緒壬午奉

命攝魚篆初下車周視疆域徧覽風

土人情見其南鄰豐沛西距曹

魚臺縣志 卷首 序

一

單東抱南陽獨山諸湖與鄰封

犬牙相制繡壤交錯者縱橫百

餘里大抵地多沮洳俗近儉嗇

人性柔弱未易振興加以毛賊

騷境屢經兵燹擒匪肆掠迭遭

蹂躪繼以跳梁小醜出沒無常

搶攘尤甚而又天災流行旱乾

水溢累年不絕閭里蕭條哀鴻

徧野身爲邑宰能勿愴懷乃爲

權其緩急先課耕桑以安農業

次修堤防以捍水災漸與建義

學立書院以講明人倫久之民

困稍舒而瘡痍總未盡平故問

疾苦察災祥聽獄訟理簿書恒

自恨才疎應接不遑者三年如

一日而志書固有所不暇及也

魚臺縣志 卷首 序

二

尋以事告假旋省垣 上憲審

知其情假滿復促回魚任不獲

已於丁亥夏復到魚接篆後年

餘諸廢漸舉少暇取邑志閱之

據言馬志修於康熙三十年距

馮公重修在乾隆二十九年距

更七十餘年已有世遠年湮之

慨今距馮志且百餘年矣其間

一燬於烽火再溺於淫水日月
朘削風雨剝蝕文物典章半歸
零落殘碑斷碣摩挲而可考者
百無一二其爲修輯不更難歟
反覆圖維方思設法辦理而乃
變生不虞商羊肆舞馮夷逞怒
胥濤四馳救災恤患才殫力疲
而志書由是稽閣焉幸賴 上

憲體恤大難克濟延及戊子始
獲粗安乃急邀二三邑紳共議
纂修召諸生責以採訪稟 上
憲以懷批示捐俸廉遠聘東海
名孝廉丁公咸亭故友以主修
飾潤色惟據舊志爲根柢擴而
充之撫而收之雖百餘年來之
變遷容不無顛倒挂漏之譏而

蒐羅爬抉參互考訂刪繁就簡
去疑存真無事附會無取浮靡
姑乘數月之閒暇聊備一邑之
典籍此余所以任魚久而修志
遲遲而仍有所未備也豈玩愒
哉踰年脫藁邑紳通判劉子月
橋出貲鳩工庀材躬督剞劂工
既竣索序於余余擬循例言修

志之義及讀馮序已曰邑之有
志猶國之有史又曰作志難修
志亦不易嗚呼志義已盡之矣
復何言哉聊述余遲於修志之
故以自謝不敏並望諸君子諒
余苦心勿疑余爲玩愒云爾
峕


光緒十五年歲次己丑十一月

既望後五日

賜進士出身知魚臺縣事漢軍正白

旗蔭軒氏趙英祚自序於魚署

官廨



續修邑志跋

光緒己丑冬

鏡

有事於邑志竊思志

書爲一邑之典籍其修之重且急也

夫人知之矣而顧遲之百餘年而始

修者非盡前輩之輕而緩之也

鏡

少

時曾見前輩議修志議及採訪較正

日人弗足議遂寢閱數年人才較進

又議之議及鳩工庀材日財莫給議

又罷歷數歲稍有餘貲復議之議及

總裁鑒定日宰弗暇議復止前輩之

議而不果類如是則前輩以上可推

也

鏡

列諸生與多士會課餘閒竊

有倡修之議乃以攻舉子業未遑也

洎援例入仕籍又以公務羈身弗獲

與同人議尋以事歸每讀邑志未嘗

不廢書三歎也日時代遠矣故老無

存縱多同志孰與共此役者未幾水旱交作兵燹頻興斯時築城修河捕蝗練團幾無暇日而邑志固難兼及也客歲人稱少安因公得晤 邑侯乃議修邑志 鏡之權忻莫可名言遂與邑之諸君子同心協力蒐羅故實採輯遺文摩挲古蹟考察懿行數月諸冊彙齊謹獻我

邑侯乞為討論修飾 邑侯特加慎重乃為上稟

大憲守侯批示並捐廉遠延通儒以備裁成踰年秋脫藁 鏡恐剗未善難稱完璧乃自傾囊橐為之揀選棗梨之縝密面試手民之工拙量度方冊之多寡斟酌編幅之廣濶因校字體之真偽準以今例並寬刷印之限

期責以精詳歷秋而冬乃竣厥事回而憶之始知前輩云云者信不誣也雖然今之志一仿前志為之敢自以為有勞乎惟是彌其罅隙補其殘闕文其鄙俚化其拘牽重有盼於博雅諸君子至後之人不嫌陋劣踵而修之尤 鏡之所厚望也夫邑附貢生運同銜特用同知候選中書科中書改

用東河候補通判月橋氏劉鏡謹跋



續修邑志書後

邑之有志所以昭德記功勸善礪俗
垂史治之法守載一邑之典章其載
在馮志者可考而知矣第馮志成於
乾隆甲申百餘年矣雖疆域猶是而
景物非昔其間名宦之著績往哲之
流風與夫烈女節婦之事闕風化者
及今修之猶恐不無挂漏倘失今不

魚臺縣志 卷首 後序

一

一

修致令前賢之豐功偉績潛德幽光
表表生前沒沒身後至與依草附木
者流同歸於盡良可慨也矧此百餘
年間水旱兵燹歷不絕書我

國朝蠲租施賑蕩寇恤民諸曠典 恩

同再造倘不登諸邑乘用志

皇仁其失豈淺鮮哉惟是志書之修創者

固難繼者亦不易不遇其人亦中隔

而不行耳乃邑紳月橋劉君素以文

廟書院與邑志三事為念迨文廟既

修書院已建劉君董其事而樂之竊

幸宿願之得償也遂慨然以修志為

已任不呼助於將伯惟稟請於 邑

侯時蔭軒趙公榮任公以義舉即通

稟 上憲徧喻同人採訪彙齊趙公

捐廉延師俾至修飭而筆削之寄公

魚臺縣志 卷首 後序

一

一

更董其成焉藁本既定劉君復與二

三同志重加校閱鳩工庀材務求完

善而剗磨之費劉實自任之焉夫年

湮代遠之餘遺文散失老成凋謝而

欲旁搜遠紹以成實錄猥瑣者既無

其識凡庸者又無其才間有一二慕

古之士撫時興感不阻於考徵之無

自即輟於司成之無人遙遙曠世繼

修何人然則不遇趙公誰任裁成之
司而非劉君之好義深識即近在桑
梓其事迹之湮沒而不彰者又可勝
慨哉今者續刻工竣雖事在馮志前
者可仍其舊而在馮志以後者盛典
必記片善必錄尤足發人心志吾知
閱是編者仰

皇恩之疊沛感循吏之勤撫有不思忠

魚臺縣志

卷首 後序

三

君而愛上者乎覩鄉賢之樹表念彤
管之流芳有不思正身以教家者乎
行見民風日厚吏治日清而趙公與
劉君續修之功於是為大豈止備一
邑之掌故而已哉

六品銜試用教諭汝霖梁雲仙謹識



姓氏

鑒定

三品銜特用道即補府濟甯直隸州知州 王恩培

纂修

同知銜撫院營務處魚臺縣知縣 趙英祚

參訂

同知銜代理魚臺縣知縣 余祚京

魚臺縣儒學教諭 崔延之

訓導 王霽

贊修 付梓

附貢生運同銜特用同知東河候補通判 劉鏡

魚臺縣志

卷首

姓氏

一

採訪兼校閱

恩貢生 候選教諭 王岱雲

廩生 劉金緘

附貢生 候選縣丞 仇東陽

採訪

恩貢生 試用教諭 梁雲仙

候選教諭 邵喜曾

歲貢生 候選訓導 崔秉成

王光洽

濟甯直隸州魚臺縣稟

敬稟者竊維邑之有志猶國之有史文獻賴以
徵實不可一日廢者也卑縣舊志修於順治九年
續修於康熙三十年再修於乾隆二十九年迄今
已逾百一十年其間吏治民風漫無紀述若不亟
為重修則事過年湮又何以信今而傳後此志乘
之所以不得不修而修之更不容稍緩也年職於
上年秋間即邀請在籍紳士東河候補通判劉鏡
議及修志一事該紳欣然樂從並以刊版之費自
認卑職遂即捐廉一百六十兩延請名宿委以纂

魚臺縣志

卷首

詳文

一

輯之任又於城內設局博採旁搜使義夫節婦孝
子梯弟之輩不致湮沒無聞然一事之錄考之必
真一事之蕪刪之必盡以期有當於史家謹嚴之
義茲已稿成付梓除將新志刊刷完竣裝訂成套
另文呈送外所有捐修縣志緣由是否有當理合
稟請

鑒核祇遵

憲示除徑稟

院河臺縣

道外為此繕稟具申伏乞

照稟施行

巡撫部院張

批據稟纂修該縣志書紳士劉

鏡認捐經費洵屬好義急公仰即傳諭嘉獎一俟

修竣呈送查考仍候

河院批示繳

總河部堂吳 批志乘為風化政教所關該令

因魚臺縣志年久未修漫無紀述捐廉設局採訪
重為纂輯自是正辦仰候

撫部院
學院批示繳

提督學院裕 批據稟已悉該縣邀同籍紳捐

修志書俱見慎重義舉所辦妥善餘稟存案外仰

魚臺縣志

卷首

詳文

二

候

撫部院批示繳

布政司王 批據稟已悉仰候

河院批示繳

按察司福 批據稟已悉仍候



各大憲批示繳



鹽運司梅 批據稟已悉仍候


各憲批示繳

督糧道善 批據稟已悉仰候

院司批示此繳








魚臺縣志

卷一圖


七




魚臺縣志

卷一圖

八








魚臺縣志

常母古亭

卷一圖

七



魚臺縣志

城浦晴烟

卷一圖

七



觀魚遺蹟



獨山衝漲

